



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

9. Non solùm vasis figuli, sed etiam in carcerem coniectis reis similes,
esse homines.

urn:nbn:de:hbz:466:1-45701

derit, aut ad murum allidetur. Ita ex hominibus ille prius è vita decedet, non qui fuerit antiquior, sed quem aliquis casus applauserit, duxerit que prius ad sepulchrum. Totus mundus nihil aliud est, quam quædam figuli officina. *Habemus thesaurum istum.* 2. Cor. 4. 7. (vitæ, animæ, gratiæ) *in vasis fictilibus*, inquit Apostolus: *Su. Psal. 2. 9.* mus ergo fragilia vasa: *Tamquam vas figuli confringes eos:* & de Isa. 20. 14: alio dicitur: *comminuetur sicut lagena figuli.* Permittit ergo hæc vasa, & has lagenas casibus, & naturæ cursui omnipotens gubernator, cuius est naturas rerum non impedire, quas tanta sapientia consilioque produxit.

Quamquam interim, si illius consilia rimemur, nullus fit in orbe casus; omnia certo fine peraguntur, vel permittuntur. Nam si à natura velimus ascendere ad naturæ Authorem, & fontem rerum supernaturalem, qui est Deus, plurimas ille, gravissimasque insuper causas habet, ob quas sæpe iuvenes citius velit emori, quam senes. Apud Ieremiam legimus, Prophetam Ierem. 18. 2. iustum ire in domum figuli, conspexisseque ibi facientem opus super rotam, & cum dissipatum esset vas, quod faciebat è luto in manibus suis, statim fecisse illud vas alio modo. Tum Deus ad Prophetam: *Numquid sicut figulus iste, non potero vobis facere?* *Ecce sicut lutum in manu figuli, sic vos in manu mea!* Rom. 9. 21. Quod si alia causa non esset, ea esset, vt Dominus se figulum illum esse ostenderet, qui *formavit hominem de limo terra,* & Gen. 2. 7. *inspiravit in faciem eius spiraculum vita,* & *factus est homo in animam viventem.* Sed & aliæ illi suppetunt causæ. Aliquando enim relinquit opus suum, donec naturæ infirmitate frangatur, quando scilicet ita ad gloriam Dei, atque ipsius hominis id servit utilitatem. Quod si causa, & culpa interueniat aut parentum, aut filiorum, aut aliorum, ipse vas suum frangit, & si placet, immutat, vt filium illum vnicum viduæ, quem ante portas vrbis Naim suscitauit; vt defunctam filiam Archisynagogi, vt ipsum Luc 7. Luc. 8. etiam Lazarum fregit, & iterum per resurrectionem immuta. Ioan. 11. uit. Sæpe autem, immò plerumque fractum relinquit, quia pauci sunt, qui à mortuis suscitantur. Adeò vt rectè Mundus hic sit comparatus carceri, quem rex potens curauit ædificari, & in eum conijci multa millia sceleratorum hominum; mandans, vt

IX.

532 *Cap. XLVIII. Iuuenes mori, nec contra naturam esse,*
singulis noctibus modò quini, modò deni ad supplicium ducan-
tur, semperque alios super alios induci iubens reos, qui passim in
regno capiuntur. Sicut enim à tali carcere iustissimè iam hic,
iam ille, prout regi liber, ad mortem rapitur, ita è Mundo mors
quoslibet abstrahit, prout Deo videtur. Sicut ibi nemo securus
est, ita etiam hìc; sicut ibi iuuenes ante senes, & senes ante iuue-
nes promiscuè, ita etiam è Mundo euocantur. Cùm autem om-
nes debeant timere, imprimis debent id facere adolescentes, quos
præter dictas causas, sæpe Deus, peculiare ob rationes, citius
jubet è vita exturbari. *Placens Deo factus est dilectus, & uiuens*
inter peccatores translatus est, raptus est, ne malitia mutaret intellectum
eius, aut ne fictio deciperet animam illius. Fascinatio enim nugacita-
ris obscurat bona, & inconstantia concupiscentia transuertit sensum si-
ne malitia. Consummatus in breui expleuit tempora multa, placita
anim erat Deo anima illius: propter hoc properauit educere illum de
medio iniquitatum, &c. Huic tali beneficium est mors; alijs vitâ
indignis supplicium.

Sap. 4. 31.

X.

Ad hunc modum solent reges, vlturi graua parètum crimina,
vel ex tyrannide grauissima, ad maiorem ludum illis inferendū,
filios in oculis atque conspectu eorū necare. Ita fecit Phocas Mau-
ritio Imperatori; ita septē filij & fratres Machabai, iussu Antio-
chi, in præsentia matris, dirissimè sunt excruciat; ita filij Sedecie,
à cõplexu eius auulsi, iussu regis Babylonij, sunt contrucidati, ita
Calliopius coram Theoclia; ita coram Felicitate septem filij
Martyres immanissimè sunt interempti. Simile quid facit Deus,
patitur mori iuuenes, vt puniat parentes officij sui immemores;
quando nimis perditè filios amant. Ita factum est memorato
Dauidi, filium ex Vriæ vxore susceptum vehementer amanti,
cuius ardentissima deprecatione nõ passus est se se exorari Deus,
sed eum sustulit è Mundo, quem David sustulit ex adulterio. In
Ægypto quantum flagitium, tantum extitit & supplicium, quan-
do Dominus iudex puniuit Pharaonem; permisit enim omne
primogenitum mori, à primogenito Pharaonis, qui sedebat in solio
eius, vsque ad primogenitum ancillæ, que est ad molam, & omnia pri-
mogenita iumentorum. Notum est illud Cæsarij de milite, qui
videns à parte occidentali aërem obscurari, nubesq; imbriferas oriri
iratus

Exod. 13. 29.

Cæsarius. l. 4.
cap. 23.